



Na osnovu člana 37. Zakona o ombudsmenu za ljudska prava Bosne i Hercegovine („Službeni glasnik BiH“, broj: 32/00, 19/02, 35/04, 32/06, 50/08 i 61/23), člana 6. stav 2. Pravilnika o radu zaposlenika u Instituciji ombudsmena za ljudska prava BiH (Oi-K-BL-445/16, Oi-K-SA-79/17, Oi-K-SA-190/18, Oi-K-SA-187/19), te člana 9. Pravilnika o vršenju poslova preventivnog mehanizma za sprečavanje mučenja i drugih okrutnih, nečovječnih ili ponižavajućih postupaka i kazni u Bosni i Hercegovini („Službeni glasnik BiH broj: 62/24), i Odluke o potrebi angažmana nezavisnih stručnih lica iz akademske zajednice i odgovarajućih oblasti i organizacija civilnog društva, broj: Oi-K-BL-505-2/25 Ombudsmeni za ljudska prava Bosne i Hercegovine raspisuje:

JAVNI POZIV

za izbor saradnika u obavljanju poslova Preventivnog mehanizma za sprečavanje mučenja i drugih okrutnih, nečovječnih ili ponižavajućih postupaka i kazni u Bosni i Hercegovini

- 1. Nezavisnih stručnih lica iz akademske zajednice i odgovarajućih oblasti,**
- 2. Organizacija civilnog društva.**

koje će, na osnovu javnog i transparentnog poziva, sarađivati sa Odjeljenjem za vršenje poslova Preventivnog mehanizma.

Angažman:

Angažman se zaključuje na **4 (slovima: četiri) godine**, uz mogućnost ponovnog izbora. Javni oglas se raspisuje 6 mjeseci prije isteka mandata, ili ranije ako pozicija ostane upražnjena.

- 1. Nezavisna stručna lica iz akademske zajednice i odgovarajućih oblasti**

Opšti uslovi:

- a) da ima navršenih 18 godina života;
- b) da je državljanin Bosne i Hercegovine, što se dokazuje uvjerenjem, ne starijim od 6 mjeseci;
- c) da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu sa krivičnim zakonima u Bosni i Hercegovini;
- d) da nije obuhvaćen odredbom člana IX stav 1. Ustava Bosne i Hercegovine;
- e) da je fizički i psihički sposoban za obavljanje poslova mjesta na koje se prijavilo kod poslodavca.

Kandidati trebaju ispunjavati sljedeće posebne uslove:

- stručno ili specijalističko znanje iz relevantne oblasti;
- nepostojanje sukoba interesa;
- da se protiv osobe ne vodi krivični postupak;
- da osoba nije osuđena pravosnažnom presudom;
- da nije izrečena mjera bezbjednosti zabrane obavljanja djelatnosti;
- iskustvo rada sa ranjivim grupama.

Relevantne oblasti uključuju:

- medicina (porodična medicina, interna medicina, psihijatrija, forenzika);
- kriminologija;
- krivično pravo;
- penologija;
- psihologija;
- sociologija;
- socijalni rad;
- druge srodne oblasti.

Opis poslova i radnih zadataka

1. Učestvovanje u obilascima mjesta u kojima se nalaze lica lišena slobode ili lica kojima je ograničeno kretanje, uz prethodni dogovor sa Preventivnim mehanizmom i uz saglasnost Ombudsmena BiH;
2. Primjena odredbi Fakultativnog protokola u pogledu povjerljivosti i zaštite ličnih podataka;
3. Izrada stručnog mišljenja vezano za temu ili oblast koju pokrivaju;
4. Predlaganje preporuka ili mjera za unapređenje postupanja prema licima lišenim slobode;
5. Dostavljanje mišljenja šefu Odjeljenja za Preventivni mehanizam u roku od 15 dana od dana obilaska;
6. Po potrebi, učestvovanje i u pripremi prijedloga i mišljenja na nacрте zakona u cilju zaštite i unapređenja ljudskih prava i sloboda lica kojima je oduzeta sloboda.

Potrebni dokumenti (original ili ovjerene kopije):

- svojeručno potpisana pisana prijava kandidata na javni poziv s navedenom dokumentacijom koja se prilaže uz prijavu, uz napomenu na koju poziciju se konkuriše i kontakt podacima kandidata (adresa, broj telefona, e-mail adresa);
- biografija kandidata;
- ovjerena kopija diplome o završenom diplomskom, specijalističkom, magistarskom ili doktorskom studiju;
- prijedlog za saradnju (motivaciono pismo);
- uvjerenje da se protiv osobe ne vodi krivični postupak;
- uvjerenje da osoba nije osuđena pravosnažnom presudom;
- uvjerenje da nije izrečena mjera bezbjednosti zabrane obavljanja djelatnosti za koju konkuriše;

- ovjerena izjava kandidata da ne postoji sukob interesa u izvršavanju poslova Preventivnog mehanizma.

2. Organizacije civilnog društva

Opšti uslovi:

- a) Statut organizacije civilnog društva;
- b) Izvod iz službene evidencije (ne stariji od 6 mjeseci) iz kojeg je vidljivo da je organizacija registrovana za obavljanje djelatnosti iz oblasti zaštite ljudskih prava;
- c) Rješenje o registraciji udruženja;
- d) Područja ili teme u koje se organizacija može uključivati u obavljanju poslova Preventivnog mehanizma;
- e) Spisak članova organizacije i njihove kvalifikacije, uz navođenje područja za koja posjeduju stručna znanja i iskustvo u radu;
- f) Listu izvještaja i publikacija u oblasti unapređenja i zaštite ljudskih prava.

Opis poslova i radnih zadataka

1. Dostavljanje liste predstavnika koji će učestvovati u radu Preventivnog mehanizma
2. Potpisivanje pisane privole predstavnika o radu prema uputama Preventivnog mehanizma i zakonima o zaštiti tajnosti i povjerljivih podataka
3. Nakon obilaska, predstavnici izrađuju stručno mišljenje i predlažu konkretne preporuke
4. Saradnja može uključivati i pripremu prijedloga i mišljenja o zakonima radi unapređenja prava lica lišenih slobode

Potrebni dokumenti (original ili ovjerene kopije)

Predloženi predstavnici izabranih organizacija civilnog društva prije uključivanja u rad Preventivnog mehanizma dužni su dostaviti:

- svoju biografiju;
- original ili ovjerena kopija diplome o završenom diplomskom/specijalističkom studiju;
- uvjerenje da se protiv osobe ne vodi krivični postupak;
- uvjerenje da osoba nije osuđena pravosnažnom presudom;
- uvjerenje da nije izrečena mjera zabrane obavljanja djelatnosti za koju konkuriše;
- ovjerenu izjavu kandidata da ne postoji sukob interesa u izvršavanju poslova Preventivnog mehanizma.

Institucija ombudsmena za ljudska prava Bosne i Hercegovine

Ulica Akademika Jovana Surutke br. 13

78 000 BANJA LUKA

Javni poziv ostaje otvoren 15 (petnaest) dana od dana objavljivanja u dnevnim novinama, te službenoj stranici Institucije ombudsmena za ljudska prava BiH.

Prijave sa kraćom biografijom i traženom dokumentacijom pismenim putem, uz napomenu „**Prijava na Javni oglas**“ - **NE OTVARAJ** potrebno je dostaviti na adresu: **Ul. Akademika Jovana Surutke br. 13, 78 000 BANJA LUKA.**

Nepotpune, neuredne i neblagovremene prijave neće se uzimati u razmatranje.

Sa kandidatima koji ispunjavaju sve tražene uslove iz Javnog poziva biće obavljen intervju.